

NÒTA RESUM

Nòta resum deth rapòrt 29/2015, relatiu as eleccions ath Conselh Generau d'Aran der an 2015

Barcelona, 27 de gèr de 2016

Era Sindicatura de Compdes de Catalonha a emetut eth rapòrt 29/2015, relatiu as eleccions ath Conselh Generau d'Aran der an 2015, en compliment deth sòn Programa annau d'activitats.

Eth rapòrt, presentat peth sindic major, Jaume Amat, coma ponent, siguec aprovat peth Plen dera Sindicatura ena session deth 15 de deseme deth 2015.

Er objectiu deth rapòrt ei prononciar-se sus era regularitat des comptabilitats electoraus presentades pes formacions politiqes qu'an obtengut representacion en Conselh Generau d'Aran e, en cas d'apreciar-i irregularitats, prepausar era non-adjudicacion o era reduccion dera subvencion electorau.

Aguest rapòrt s'emet en tot tier en compde era normativa que regule es subvencions e eth contraròtle dera comptabilitat electorau. Eth Plen dera Sindicatura de Compdes, ena amassada deth 19 de mai deth 2015, aprovèc es instruccions entara fiscalizacion dera comptabilitat electorau des eleccions ath Conselh Generau d'Aran deth 24 de mai deth 2015.

Coma limitacions ara artenhuda deth trabalh realizat cau destacar qu'ua revision complèta des despenes e des ingrèssi electoraus des diferents formacions politiqes objècte deth trabalh, exigirie ua fiscalizacion de tota era activitat economicofinancèra ordinària des formacions politiqes.

Aran se dividís en sies circoscripcions electoraus que corresponen as sies terçons istorics. Eth Conselh Generau d'Aran ei compausat per tretze membres.

Es resultats des eleccions deth 24 de mai deth 2015 an estat es següenti:

Resultats electoraus des eleccions ath Conselh Generau d'Aran deth 24 de mai deth 2015

Candidatura	Resultats electoraus	Vòts computables	Conselhèrs
Convergència Democratica Aranesa – Partit Nacionalista Aranés (CDA-PNA)	1.972	1.972	7
Unitat d'Aran – Partit dels Socialistes de Catalunya – Candidatura de Progrès (UA-PSC-CP)	2.193	1.900	5
Partit Renovador Arties-Garòs (PRAG)	130	130	1
Partit Popular (PP)	178	-	-
Corròp Quate Lòcs (CQL)	177	-	-
Vòts en blanc e nuls	217	-	-
Totau	4.867	4.002	13

Hònt: Elaboracion pròpria a partir der Edicte deth 29 de mai deth 2015 dera Junta Electorau Provincial de Lleida.

Un viatge revisades es comptabilitats electoraus e es justificants de despena aportadi per cada formacion politica, era Sindicatura a verificat eth compliment des limits de despena fixadi pera normativa electorau.

Es impòrts dera subvencion electorau a recéber per cada formacion politica son es següenti:

Subvencion electorau

Formacion politica	Subvencion per despenes ordinàries	Subvencion per <i>mailing</i>	Totau subvencion	Prepauza de reduccion	Subvencion pendent de crubar
CDA-PNA	3.186,64	1.602,41	4.789,05	-	4.789,05
UA-PSC-CP	2.561,20	-	2.561,20	-	2.561,20
PRAG	305,88	-	305,88	-	305,88
Totau	6.053,72	1.602,41	7.656,13	-	7.656,13

Impòrts en èuros.

Hònt: Elaboracion pròpria.

En apartat de conclusions deth rapòrt se met de manifest çò que seguis:

- Totes es formacions politiquas qu'an era obligacion de hè'c an presentat era comptabilitat electorau ara Sindicatura de Compdes de Catalonha en tèrme establí.
- Totes es formacions politiquas an complit eth limit generau maxim de despena electorau e es sublimits de publicitat establí ena normativa.
- D'acòrd damb er objècte e artenhuda d'aguest rapòrt, era Sindicatura de Compdes prepausa que non s'aplique cap reduccion o non-adjudicacion dera subvencion electorau prevista.

Entà acabar, eth rapòrt includís ua sèria d'observacions e ua recomanacion derivades dera fiscalizacion hèta.

Aguesta nòta resum a efèctes simplament informatius.

Eth rapòrt se pòt consultar en www.sindicatura.cat.